

義舉志卷十一

漢武晚年賣官鬻爵而一般財閥則購以巨資此商賈之事不得謂之義舉若國有急難則捐資以助之人有陷溺則引手以援之他若建築橋梁設立學校卹貧憐老慈幼撫孤即廢疾無告之人舉能傾囊相助從不少有吝色此乃謂之見義勇爲者也於是述義舉志第十一

西豐醫院 醫爲壽世活人之術故世無良醫人多疾死第貧苦之家雖有良醫而力或不逮亦不免有坐受疾病之虞本縣前知事吳肇和有見及此因設法籌款創設醫院於民國十一年請準省憲在城內二道街處賃房一所成立西豐醫院延醫備藥施

西豐縣志

卷十一

義舉

一

西豐國興印刷局校印

治貧民後因規模狹小每日就醫人數太多不能容積於民國十五年經縣長蕭德潤在西關車站領地三畝蓋房十四間即行遷入今又於康德四年夏秋之間在城內順城街路南官有地基建築瓦房五間爲西豐官醫分院

產婆傳習所 產科於醫術上居最要地位蓋幼兒初脫胎囊如禾苗之始出土然體質脆弱不堪挫折接生者稍一不慎則百病皆由是而生故據醫學專家之報告謂國中人之死者因產生手術不良而致病者佔百分之九十五其他各疾僅百分之五可見產科關係於人生洵爲重大考之世界各國德人於百年中增多四倍英俄等國亦增二三倍不等若我國調查人口數目雖經多

年亦不見增加多少是誠民族上一最可慮之問題也縣境在未設醫院以前凡分娩者皆請舊產婆經驗既不宏富手術又不精良故產難胎瘋十有八九自醫院成立凡知識稍新者多請該院醫生爲之然全境人口三十餘萬境域寥廓僅一醫院何能顧及經前縣長馮廣民有見及此故於民國十八年冬在醫院內附設產婆傳習所每班招生四十人六個月畢業發給證書准予專業其未傳習者加以取締初時入者甚少馮公以此招集全境村長副開會指定每一區一期送五人城內四人膳宿各費由當地攤派供給始得成立擬於第一期畢業後必將全境產婆均受傳習俾一村之中各有四五人而後止此誠生育幼兒一大幸福也奈

成立未久即爲取消迄至今日凡爲收生之業而受過傳習者仍未有多人致馮公好生之德慈善之心歸於泡影良可惜也

保嬰會 即爲育嬰堂西豐在昔從未設立民國十八年始

經馮縣長籌款創設地點附在西豐醫院今已取消多日矣

嗎啡療養所 民國六年縣監督徐星朗設立於東門外其辦法招集商會與富紳連紹亭議妥每月各担負此費之半飭警查捕嗎啡犯隨來隨收隨愈隨釋陸續不斷在所者總有三四十人故冬季遂無一受凍餒之害者越二年教養工廠成立遂將療養所歸併較前益加擴充今名目雖取消然其意義猶存於濟善堂中矣

教養工廠 本縣設治三十餘載雖已布政於民然於無業游民仍恐流爲匪類是以於民國八年知事李倡義建設教養工廠以收容而教養之凡游民不事正業與輕微刑犯具有年限以及久嗜煙賭不知悛改者皆收入使之習藝藝徒計七十餘人分三科一編織科二鐵科三鞋科在各科教養期滿皆可以自行謀生自此廠成立後街市游民以及染嗎啡毒者幾乎盡絕是雖苦於一時而拯救其終身實慈善之大端民生之要政也行之 餘年後因政事改組更名曰游民習藝所至康德四年又改曰濟善堂總之雖屢易其名而內容與大致仍爲一體此誠義舉之最大者也

貧民學校 十步之內必有芳草十室之邑必有忠信以是知賢才不擇地而生又何能因貧富而異教育所長張恩書有見及此遂於民國十六年請准監督蕭設立貧民學校於北門內適中之地以濟貧民之不能讀書者後乃遷入民衆教育館院內學童達百三十餘人分三級教授觀其情勢將來必大爲發展詎意康德元年七月一號將民衆教育館取消而該校亦同時撤廢殊爲可惜

粥 鍋 自民國成立以來二十年間爭地爭城殺人盈野家人父子離散四方慘苦之禍有不忍言者縣城當開海要衝爲過災民必經之地若不備食以濟之使饑餒之民慘死於我之土

地救災卹患之謂何故本縣際此之時於春秋二季由縣政府及商務會向公民籌款設立粥鍋於開豐汽車車站以便難民下車就食機關部設商務會內經理人爲消防隊長每日派兵輪替監視今滿洲建國王道亟行兵氣潛消化爲承平之世界所居者樂土所享者豐年既無流離之民何必有粥鍋之設將來此種義舉必不能再見於國中矣

義 冢 昔文王有澤及枯骨之政王守仁有掩埋旅宦之文是仁政仁心洵爲治國治郡者所必不免本邑有見及此故當放荒時由地方公議會領無糧地兩處一在縣城東北溝一在西北溝共四十餘畝作爲義地使生者不至感傷於道殣死者亦得

西豐縣志

卷十一

義舉

四

西豐國興印刷局校印

安魂於地下此義舉之關係於人民社會洵爲最重者也

連德順 字紹庭遼陽人家僅小有自清光緒二十五年遷豐後置地至四千餘畝宣統元年豐境大水哀鴻遍野餓莩而外展轉就食於城廂君以貧民日增嗷嗷待哺乃施舍小米人日一椀每日需米三四斗每年約需米百餘石且沿爲成例行之十餘年而不倦其他遇公益事無不爭先恐後極力勇爲故王監督浣之獎以樂善不倦又給以匾額文曰任卹可風以表其宅里嗣後嗎啡療養所創成君又甘任月費之半二年之間又捐資千餘元似此善舉不勝指計故民國七年又經徐監督呈明省道警務處各署著先傳諭嘉獎後復得大總統頒匾額及綠質銀章以揚其善

德嗚呼是殆所謂富而好行其德者歟君於民國十五年六月卒張株林復縣人早年遷居海龍嗣又移豐生性好義言無宿諾凡修橋補路助款興學賑饑等均樂爲之年八十二精神猶健壯如昔民國十年經地方請準大總統褒以一鄉善士匾額一方紅綬銀章一座綾綵褒詞一則詞曰

子產爲政東里有惠人之稱陳氏厚施齊國應昌期之運兼而有之不可及也爾奉天西豐縣張株林生有善行無間人言庇寒士而歡顏築老杜萬間廣廈俾鄉人能續命置青州千畝良田此身是魯殿靈光巋然健在再拜頌衡陽仁者莫之或忘名冠閭閻望重山斗如斯行誼允矣褒揚嗚呼于公積陰德自言

西豐縣志

卷十一

義舉

五

西豐國興印刷局校印

子孫代興司馬會耆英所貴兒童傳誦作之坊表光乃門閭

劉其昌字漢普海城人初事教讀清光緒辛丑年來豐斯時也庚子匪亂宵小竄逃圍荒初闢視爲淵藪五方雜居人心倍形險巖公見潮流日下頹風難挽因於縣城猴石廟前苦口講勸乃取宣講拾遺一書借因果報應之說激發人固有之天良由朝至夕無時或間家極寒苦餬口無資亦所不慮適稅捐總辦夏公憐其枵腹勸人殊爲可惜因助以膳費迨光緒三十一年經公議會稟准趙帥獎給爲國宣勞匾額一方紫綬銀質褒章一座以示風勵噫人之樂善誰不如我若劉公者誠出於尋常萬萬者也觀其不辭勞悴不顧身家一以勸善爲職事卒能勉惡爲善化莠爲良

較之敬老卹貧哀矜鰥寡者其利溥其功大也故闔邑之人皆以善人稱之卒年六十有九一子先公逝

徐韻清 邑紳徐維淮之次女也年十八適本邑永安村王氏子其翁早逝姑王謝氏頗虐待之韻清惟忍受莫之愬也民國十八年春韻清之父任遼中縣長夏六月韻清忽暴亡當時議論紛紛有謂係自盡死者有謂其姑毒殺者衆口沸騰莫衷一是惟當韻清未死以前曾囑其家人將私蓄之六千金捐作教育基金迨韻清死後其姑及夫遂呈報縣署經縣長馮轉請教育部發給二等獎狀所捐之金已經馮縣長招集地方士紳議決設立韻清幼稚園此後西豐幼兒得受基本教育皆出韻清之賜也

西豐縣志

卷十一

義舉

六

西豐國興印刷局校印

張輔宸 字星五開原附生西流開放後來豐開設謙益泉燒鍋生理當清光緒三十一年各縣多借舊有書院創立學堂西豐欲步後塵奈苦無憑藉公乃以前總管高萬梅住宅五十九間市房六十間呈請督署撥歸地方辦學佔用幸蒙批准於是縣立第一小學因有固定之校舍遂即成立而勸學所及師範學校亦皆發祥於該院中至市房六十間後改修五十四間佔順城大街中段西自猴石街東訖菜市街爲商業繁盛之地每年收租金二千餘元爲學欸收入之大宗由此教育大興人才蔚起飲水思源孰不受張公之賜哉嗚呼熱心公益不畏強禦卒植教育根基造福後學可謂義舉之大者矣

周岐山 字鳳鳴原遼陽人現居西豐第五區玉書村玉書屯現年七十一歲天性好施樂善不倦鄉里人皆嘖嘖稱之當幼年時最好讀因家貧未能就學然而曉綱常明禮義雖讀書人猶有未及者民國十八年視一般失學兒童甚爲可惜及已入學者其家距學校甚遠往返亦多感不便乃出地三畝建設玉書學校凡學童應用物品皆供給之由是得省府翟主席之獎狀十九年又得教育局之獎狀迨康德二年地方不靖民多饑餒乃攜大照爲質貸款救濟又舍地三畝爲貧民公共葬埋地其好義多如此者至待人忠厚持己謹嚴對鄉里戚族之間凡有起衝突臨危難者無不竭力排除盡心解救使之相安無事而後已嗚呼苦周君者

非惟好義且猶能仁洵晚近中不可多得之士也

張允中 原籍金州人光緒三十年因圍裏開墾遂攜眷來豐而家焉於三十三年首先創辦縣立兩等小學俾豐邑兒童得受教育皆公之所賜也宣統三年時疫流行乃創辦防疫會純盡義務而不支薪民國二年創立石人溝國民小學一處十六年慨捐公安二區分局四項溝分所地基一處種種公益不堪枚舉至於處人己之間必以保守謙和爲雅度居鄉鄰之內必以解紛排難爲庸行請准省署豁免屠宰雜捐及清丈山頂之田地公之功德及人洵深而且厚如此與盡心公益條例相合故頒匾額一方以旌其善舉若公之科第與履歷詳載選舉鄉宦志中茲不多贅

張純 一 原籍昌黎縣人於前清光緒年間因來豐買荒遂居於縣城東烏魯村焉其爲人也以忠正存心雖年逾花甲對於地方公益猶熱心提倡不遺餘力凡充鄉農會長暨區學董時其於學務農業各事更能任勞任怨力盡其責故教育農產無不振興而發展焉對面村二區一校校舍坍塌公稟請翻修由全區集欸縣署委公爲監工員純盡義務監修數月從不少怠同時又添設高級小學以擴充教育歷二十餘年之久凡關於社會改進之事筆難盡述請准省署褒以匾額一方以資鼓勵

建築城廂警察署捐欸人員姓名列左

史鴻儒 徐維淮 朱家瑞 李君綱 桑祉祥 柳瀛洲

西豐縣志

卷十一 義舉

八

西豐國興印刷局校印

楊奎武	張樹風	魏連科	張效騫	陳天元	周丕卿
夏鴻儒	張志安	趙綏五	張壽彭	吳瑞臻	范喜亭
何恂如	王香圃	關安己	于岱山	關連漢	恆壽山
劉德讓	劉慶雲	李君祿	史元臣	吳方順	楊春盛
張恩河	柳恩溥	王子清	馬輯雲	連繼常	張日宣
郭 柏	潘成德	高雲階	徐躍波	譚國裕	張賡廷
滕國富	王泉豐	張東閣	邵廣義	楊經武	李儀廷
陳香九	閻曉洲	連紹綱	焦雅齋	齊子嘉	張崑圃
劉永昌	胡本先	陳香閣	于子彬	聶永昌	焦佩言
程撫卿	陳子喬	叢柏林	周立高	遲福林	齊鳳山
高學文	紀漢卿	果夢九			